



第一二七六册

四庫全書

● 上海古籍出版社

本冊目次

鶴	東	方是閒居士小稿	翠微南征錄	浣川集	漁墅類稿	安晚堂集	滄洲塵缶編
林集	澗集						

宋吳泳撰……………一	宋許應龍撰……………三九七	宋劉學箕撰……………五六五	宋華岳撰……………六二五	宋戴栩撰……………六八七	宋陳元晉撰……………七六九	宋鄭清之撰……………八四五	宋程公許撰……………八八九
------------	---------------	---------------	--------------	--------------	---------------	---------------	---------------

欽定四庫全書

集部
鶴林集卷二

詳校官庶吉士臣瑚圖禮

主事臣呂雲棟覆勘

臚錄監生臣劉增

欽定四庫全書

集部四

提要

鶴林集四十卷

別集類三 宋

臣等謹案鶴林集四十卷宋吳冰撰冰字叔

永潼川人嘉定二年進士理宗朝歷官起居

舍人兼直學士院權刑部尚書終寶章閣學

士知泉州事蹟具宋史本傳史稱所著有鶴

林集而不詳卷數藝文志亦不著錄惟永樂

欽定四庫全書

鶴林集

大典各韻中頗散見其詩文謹臚輯編次墜

為四十卷放佚之餘篇什尚夥亦可見其著

作之富矣冰當南宋末造正權姦在位國勢

日蹙之時獨能正色昌言力折史彌遠之鋒

無所回屈可謂古之遺直至當時邊防廢弛

泳于山川院塞善畫瞭如慷慨數陳忠中寔

要本傳所載諸疏簡畧未詳今以本集考之

如紹定二年上西陲八議五年疏四失三憂

欽定四庫全書

鶴林集卷一

宋 吳泳 撰

五言古體詩

擬西北有高樓

高樓何宕蕘一柱西北隅橫當子午道峻直參井墟曲
瓊卷飛霞儼儼僊人居上通三重階下陰十二衢傍樓
王蕭女織翠紛華裾僊人顧之笑授以青琅書邈言欲
從之媒拙而理疎丹梯目成久須憑大垂手

欽定四庫全書

鶴林集

夫遠征

采繁浴春蠶夫婿今遠離貧無金釵別愁有玉筍垂朝
同火伴去莫獨衾裯隨百夫十夫長千里萬里期去期
日已遠征郎不顧返生理日就貧歲年亦云晚雖有乳
下男不能充夫丁昨日府帖下籍已書其名官軍獨備
北頗恤東西民勿言征錢輕抽徵將到人

采葛行

黃葛溪上生青條谷中垂薄言采其絲緝彼綌與締縫

及保蜀三策端平二年言元兵先通川路後

會江南不可不固上流三年亡獨儲蜀帥又

論環蜀四證及殺蜀五策大抵于西川形勢

言之最晰良由南宋以蜀為後戶於形勢最

為衝要泳又蜀人深知地利故所言切中窾

會非揣摩臆斷者比實可以補史所未備其

化章疏表奏明辨駁發亦頗有眉山蘇氏之

風在西蜀文士中繼魏了翁鶴山集後固無

欽定四庫全書

鶴林集

多讓也乾隆四十六年九月恭校上

總纂官臣 紀昀 臣 陸錫熊 臣 孫士毅

總校官臣 陸 費 堉

作公子裳遠寄閨人思歸兮凄以風不值當暑時輕鮮
未及御棄置忽若遺雖則遭棄捐肯為風雨移朝暮蒙
楚中采采以慰飢君看葛婦歌嘗膽味若飴

桂

南之山叢叢桂樹生也直朱華自成林不雜衆芳植上
有青鸞棲因之為羽翼移根上林苑零露滋曉色豈不
罹凝寒高標疎孤特丹心能自渥身性不加飾所以離
騷詞嘉其秉炎德相觀穹壤間人統形氣識陽根為剛
欽定四庫全書

卷一

二

明陰質為闇塞靈均莫能招聊與花辯惑

都大華文監丞權府事之明年天子詔將直禁
近邦之人有以三端為獻者曰雙蓮曰岐麥曰

九穗禾皆斯世之上瑞而萃於一時人目之以

為盛遂采民謠集成歌頌曲三首以紀其美

關

短短菰蒲洲陰陰葭陂有斐嘉芙蓉雙蒂媚漣漪如
龍舒兩娥如沅湘二妃豈伊玉池種而乃生污泥斑然
爛雲錦襲人芳菲菲兩美諒必合佳人製為衣下承朝

露滋上戴夕日輝駕言折芳馨歸以遺所思

詠懷

何草秋不枯何葉秋不黃白露以潤之葳蕤含晶光幽
蘭自華滋時菊仍菲芳榮繁園中葵亦得睎朝陽被思
有如此後時果何傷惟有警夜鶴庭前獨旁皇豈不欲
九臯翅翮莫能長湛湛被露斯幽吟遂成章

送新遂州程倅

美人其猶龍渴飲金泉水水狹又飛去一息遂池耳是

欽定四庫全書

卷一

三

時天氣清衆綠事盥洗遐征溘埃風長袂蹠蹠尾天階
甫一尺民社猶千里還須手帝澤為俗洗瘡痍餘力裁
新詩或可代封匭

宛宛黃柳絲雖雜花垂柳解織別愁花能送春歸思
君遠行邁遊子心依依有絃不解揮有鏡不復治豈是
真不能持此欲遺誰河梁此時曲淚為生別滋但期如
水萍所寄良不移

送陳和仲常博倅嘉禾

柳色媚別駕桐花夾行舟慈湖一片心不上富貴鉤擊
却雲霧窓分渠月波樓但有月長清何妨波漫流
俗士騎戶限癡官摸床屑名節與官爵豈以全畀人子
方貴良貴我亦仁景仁終始議論間但保一色醇
未及與君別先歌送君詩浙西數年來風景非昔時紅
蠶不上箔青麥空生陂六經政之本無用別出奇

送長兒槃赴金陵典斛

皤皤六十翁碌碌三男子阿柴冠尚癡阿裕晬欲死槃

欽定四庫全書

魏林集

四

也年未彊早為貧出任家庭所訓誨任亦當念此敬則
能蒞官敏則能決事事長如嚴師擇交必端士僅亦人
子耳勿以盛氣使只效龍伯高芳名播青史

悲莫悲生離老至悲轉切阿爹領賓送諸母持酒別大
婦前致辭忽忽顏不悅歸來眎季女一夕亦永訣人事
長如此有懷向誰說淚緣親愛滋心以憂患折去去勿
重陳秦淮對明月

仕歷四石官聯六尚書耕無田二頃居無宅一區余

豈不念子皇皇事田廬多藏損其志厚殖益爾愚貧乃
好消息此言誠不迂子官視庾氏俸廩頗有餘疎花會
結果小水長通渠

援以書戒子子竟不若翁陶以詩責兒兒只如頑童房
公豈不智集此書屏風堂基未及構手澤俱成空乃知
貴曹門美業真難終子雖有良質須用磨琢功射御亦
是學不妨隨元戎

玄雲拖榆塞白露塗楓林靡靡秋未夕邊馬已南侵子方從

欽定四庫全書

魏林集

五

軍去川陸迥且深虎兕咆哮野猩獠嘯高岑獨見金城外迎人
柳陰陰主人敬愛客秉義如斷金好將少年行轉作節婦吟

壽魏鶴山

人生瀛海內中氣胚脾之真元會清淑間代儲英奇扶
搖六月息濯羽於咸池冰壺貯虛明璧玉含清輝阿閣
引鳳巢小山結桂枝肯遺金門步乞取青藜歸要福不
椒醕延年不瓊糜至仁彌爾性純嘏無窮期

漁溪雅愛蓮程子樂觀魚生機不停息天理原平鋪美

人湖上來挹繡天東隅清氣蕩噓濁德風振纖枯人酣
鷺花國雨滿菜豆區肯縻爾好爵而奪渠貞符鷹鷂好
彈擊乃謂鷺鳳疎願言崇明德永作國璫璣

壽鄒都大

大儀幹四運環轉當初陽天根起自復氣踵生以黃卓
然五陰中標示君子祥芳芸豈不馥碩果終自香有開
南國彥氣稟性純剛況逢子之半弧矢射四方浩然祖
鄒人清介如道鄉源流義理熟滋養苗脉長自登蜀道
欽定四庫全書

鶴林集
卷一

六

來玉節明於霜潢池有佩犢紫邏無氛羊星回參井間
草木爛以光種善如種木去惡如去稂只從一念中坳
野皆斯臧玉粒不用餐石髓不用嘗台背而兒齒好德
自爾康筴渠役役者日景以線量

壽楊崇慶二首

英英赤文鳳生此岷之陽覽輝孤竹根振翼千仞岡德
音乃驚鷺下引鷗與鳳承旗從華蓋吹玉朝紫皇顧瞻
朱丘深殆似阿閭長肯以令儀集而使綰弋傷集須集

桐花食不食藻梁矜看發丹味舜殿歌明康

清露團火爇素月分白道三湖足秋色天以賜賀老紅
渠正酣酣翠蘿方稍稍閒情觀池魚生意玩庭草旨酒
常在壺瑤琴弗離抱靈臺儻清明豈不長壽考方朔謾
竊桃安期苦嘗棗願言西風時眠食常健好

壽范漕

春山巖方芽春院桐始華暄風蕩紅紫還似綠幄遮老
僊坐鹿園爭眼閱歲華會須乘五羊結佩凌飛霞

欽定四庫全書

鶴林集
卷一

七

豫章富人物山谷人中豪雖從老坡來頗服舂陵高泰
和善鼓琴涪水不擬騷安知百世士於此還一遭
入窻月疎疎滿坐春盎盎事機儘盤錯收入經濟藏魚
方在沸鼎獨以和沃漲靜言平寇功當置裴李上
鷹鷂好彈擊自謂居使之鳳凰不驚搏羣狡亦莫欺但
使德意多何用風采為西臺十六州人自春熙熙
方朔謾竊桃安期苦嘗棗世間長生訣自致元有道碩
果終是香靈根不曾老作詩頌僊公伴爾彌壽考

擬古三章留別果山同官

邊馬思北依晨風思北飛役役會有還之子胡不歸欲
歸又北征適與風馬期憂端來無方人則莫之知不傷
道里遠所惜光景移肯以蘭桂心化作秋草萎行道各
努力吾亦從此辭

巴之水冷冷青山復成圍含暉排戶來頗若有所思謂
雲為無心終日長不飛謂草非有情盡為乎忘歸凡物
各有繫余豈縻於斯俯川觀魚泳仰空看鵬垂一笑有

欽定四庫全書

鶴林集
卷一

會心釣弋何所施

同門二三友星弁嘗蟬聯一日兩會面三日一共蓮花
時甚聲裏雨夜詩籌前斗酒相為娛餘歡則陶然永言
懷及茲餘愁浩如山未別已足惜別後誰慰顏陸揚未
可俟寄聲斷鴻邊

用葵軒送定叟平昔兄弟間首句送季永弟赴

省

平昔兄弟間如友相箴規每於和順中切切而惇惇筆

硯三十年風雨無停披草衣而糲食穴坯而敗帷子文

實勝僕而我先子飛子不呂脫獲便廢鋤與犂有文績
如絲有鋒利如錐拓開大規模不作小幹枝果然昇春
官粗愜心所期對床味可永今又征行西此別固不惜
豈無深長思庭萱日就蕪門戶一線微子若不努力誰
與相扶持文章但平易毋呂驕出之共登青雲程了此
一段奇却歸坐北牕脫去名利羈於皇太極蘊力與求
真知

欽定四庫全書

鶴林集
卷一

九

送李鴈湖大參赴遂寧

拍拍鴈湖水深深歸鴈亭鴈歸三四年相伴湖水清燕
私豈不樂國爾終含情龍章倏夜下驚赴鷗鷺汀鴻雁
雙翥翰眷焉乃東征載辭龍鵠椒復問鶯花程輜軒驚
華鼓高蓋羅翠旌康屯豈無學銷暴不以兵蔚藍葦草
木再色新威明寄聲受屢者明府如父兄

恢恢大儀中扶立惟三綱國風怨以怒王道蕩無章栖
栖魯東家秉筆修天常庶陞不亂紀冠履不易方斯今

世運顛覆義維楫亡三邊且病痲瘡盜方鵠張兵如潰
隄螳民甚賴尾魴屬階倘不夷零露將侵裳李侯世柱
史識此治亂防揮袂別廣筵振衣登高岡願言茂遠歆
挽河洒天狼

劉園九日燕同寮效陶謝體

霜林剪生綃煙樹織晴綺萬寶新告成百工亦休止嘉
辰屬南山勝事如栗里謬為陶長官寧惜此中醉良朋
汎知心健會不論齒鷗夷自挈攜握筆漫將戲清歡別
欽定四庫全書

卷一

十

有趣真樂本無味菊花之隱逸亦欲妃君子獨於蕭艾
中保此生色醉涼颼忽吹衣白露皓如洗先隨數至剝
剝落從此始擬將九九節便作陽月紀

九日閒居讀陶詩有懷

天蓋不住旋日車不停馳西風下木葉那復有靜時造
物尚爾勞人生能無為我於大化中縱浪何所羈倦則
熟午睡飢則愛晨炊既無大患及亦無好爵縻但得長
如此樂焉復何疑

此龍能負熊行雨雲霄間犂牛不執鼠野性長在山才
者常苦勞拙者常得閒靜中閱物理役役會有還所以
陶徵君猛獸名利闕書不求甚解褐不求常完是有
真意此外無戚顏懷哉千載人卷書一長嘆

閒意不在遠吾廬自成趣竹陰混午醉菜甲疏曉庭
草更不除樹禽日相語每繙架上帙旋讀輒忘去佳友
或會心往往談至莫以茲率為常彌覺太多事却思對
床眠尋味所樂處

欽定四庫全書

卷一

十一

天地大廬舍誰使渠滔滔擬如原卜居卷屋皆波濤又
思因山賦匪虎吾狴牢獨惟安樂窩邵子差雄豪駕言
欲問津敝吾以蓬蒿頗思振衣起濁酒且自陶一生任
運耳目送冥鴻高

壽范潔齋二首

明河耿高樹素月流澄瀛嫋嫋來金風秋意浩以盈美
人自西方鍾此一氣清如潭貯皎潔如室生虛靈嬌節
麗有暉高情滲無營昔含難舌香曾以鳳鳴不登金

張館嘗抱箕濮情修焉冰山銷揭若黃道明衆星已牢
落太白猶光熒英風自骨鯁心事元夷平會須朝紫皇
提筆福蒼生

玉山一何高堂與青雲齊上連寶臺峻下瞰金壁低中
有二老僊駕鶴俱不歸苔封箕山碣霧濕太史題豈期
芸省郎再折侯藩珪芳猷紹前印英氣截雲霓理亂如
理繩牧民如牧犴燕開登南樓就以雲作梯喜年玩秋
稼撫物觀春萐不貪老氏寶不秘莊生倪至仁彌爾性
欽定四庫全書
魏林集
卷一
主

題承天心老萬佛閣

我聞論禪師斷薪接繩床揚岐初住肯撒雪滿屋堂庭
松下法子餅水注道燮看來古佛心不為屋有亡心公
自別宗眼碧髭又霜更接十千衆建此新道場梯空挿
璇題會海結瑤方自營不住心每唱無底囊如明珠走
盤如利刀截肪呂茲衆生故苦為諸佛忙寥寥一貞境
渺渺萬法航泥空竟成著墮有終是盲青燈落簷花吾

道千丈光
世言安期本策士而不識心公為經世之才其時拓開湖溝大建佛閣直是有激衆活人手段余不作詩久矣故書此戲之

和趙尚書無辯詩

夫子動以易孟軻性其天或毀或沮之於我何如焉天
地猶有憾伊人得無言笑彼徇人者區區欲求全
熱不棲惡木渴不飲盜泉佳兵不祥器只為名使然孔
明桑百株楊子田一廛靜樂豈無此行藏却由天

獬犬吠漢月黃雲塞江天江淮我家門守地何擇焉婦

欽定四庫全書

魏林集
卷一

主

嘗勸減竈苦口為母言早使言得行家門更安全
詞人工為文瀑瀑如飛泉辯士說利害鏃鏃火始然浮
華不經實胡取三百廬吾生信拙爾道勝還諸天

程順子升齋

雨養焦穀芽清晨勃然興風入春筍節一夕長數層地
道元敏樹生意實可徵一息不滋長枯荇莽丘陵所以
務學者進德長如登禮義所封植忠和所薰蒸湛然清
明氣於此中夜存德盛仁既熟始如日之升今人廢下

學乃以高自矜譬之凌霄花霄竟不可凌子歸且近思
從下觀上騰謙謙以自牧洞洞如不勝舜顏亦人耳母
謂人鮮能

和曹憲金華山韻上李鴈湖

楚臺快談風梁園騁歌雪濫觴起九章流波到七發雕
空竟何事如以紙帖月琴巖錦裝衣鴈湖木霏屑
百卉冬具腓喬松立霜雪老枝自擎重既晚迥秀發勁
挺真大臣回邪走妖月金非百鍊剛那不因翠屑

欽定四庫全書

鶴林集
卷一

十四

浮名鏡邊塵驕氣爐上雪胡為認而有引滿猶不發有
懷東方人書眼高照月紆徐如行雲去就不爾屑
奔鯨甫息波濤子還吠雪憂端壓不住耿耿及明發師
費輒千金糧儲亡三月智哉陶士行先貯頭與屑
椅梧未成琴脩幹埋積雪嶸竹斷成律其竅春自發所
遇時使然誰與指標月仙翁急抽闕乞我雲母屑

七夕聞鶯

凍雨略洗車炎暉復如礪桃笙眠未熟屋角乾鶉噪借

問鶉何來下上音載好此聲固非惡枉為聞者告適情
便為喜喜不繇汝報用靜則為吉吉不緣汝召蕭牘尚
我踈行人為誰到勸子莫饒古移語朱門道

黃姑西不娶織女東未嬪絳河咫尺間可望不可親欲
遣烏作使烏黠言未馴欲詔鳳為媒鳳老味不靈獨有
雕陵鵲造梁河之滑頻年事填河頭禿弗愛身胡然此
今夕彊彊語依人熠燿渡機石鷺鷥窺漢津鵲昔號神
女至此不復神緬思成橋事謾語抑不倫直須明河水
盡洗千秋塵

欽定四庫全書

鶴林集
卷一

十五

變歐陽子秋聲

銀河耿高樹僻月流中庭有聲西南來厥聞浩以盈或
泠泠為風或殷殷如霆元戎嘯中軍猛士赴敵營但聞
人馬行弗省金鐵鳴天地始氣肅乾坤亦塵清豈有一
草木而不知秋聲

和虞滄江見寄宴坐聞秋香

春芳如麗人驕色不肯除秋芳如高士一味甘恬虛我

聞本洞然香風來虛徐滋蘭露承掌延桂月滿裾門巷
柳濯濯林塘竹疎疎真意儼分列遠心更莊舒庭前兩
好鶴知幾年歲餘或晚立倚窻或飲於清渠常恐緇塵
染回視根性初塞余滄江人人豈不鶴如起尋月中旬
遙睇花外車八表方雲昏尚無返莊廬

塞鴈

鴛鴦在魚梁在在能戰翼黃鳥止丘隅止止得所息相
彼鴈與鴻胡然生塞北城暗候火驚雲低空弦逼官軍
欽定四庫全書

鶴林集
卷一

五

夜擊鼓奴或告之巫師老糧莫支健兒恐烹食哀鳴號
窮邊莽是狐兔窟天地生為心曷使至此極所以周宣
詩矜人要安集

送游景仁夢漕分韻得喜字

桐花繁欲垂柳色澹如洗深谷艤行舟忽忽春莫矣廬
山蕨已肥荆渚魚正美提携赤藤杖炊煮白粳米佳處
有會心歲月不須紀繫船且夷猶却待荻花水江平風
浪澄再與歌至喜

送鮮于漕

文字微妙訣到底元平夷詞人不能工變怪生崛奇汶
上大夫者得法靈均師修辭滋其平不呂怒出之白雲
自多態流水長清漪作者云已往知者其為誰九誦的
子孫八鸞行康達天將鉢其聲復見風騷遠

樹德必欲滋去疾必欲除世人亡分明蒿蘭同一鋤鳳
兮德之美誰不相稱舉翻藉下霜雲義蓋非鶻如煌煌
繡衣彩炯炯清水壺衣以將直指水以勵廣隅持此踰
欽定四庫全書

鶴林集
卷一

七

二年相晤如一初去去登烏府昏鴉遶林呼

塞應叔自宜興寄近詩和馬字韻

仲連本策士元亮非隱者舉世莫知我懸車息其馬艤
船陽羨頭停策計山下山水自娛人無煩絲竹寫
吾老百世休輟書學耕者祈年占土牛喜雪掘玉馬海
蒼帶國燒谿尊和鼓下却憶古蠶叢晤言莫能寫

欽定四庫全書

鶴林集卷二

宋 吳泳 撰

七言古體詩

天馬引

隴西之野龍駒驤追風脇月坤為裳矜雲亭亭廣額直
夾鏡炯炯雙瞳光飯以玉山禾飲以瑤池漿自成骨格
異赭白活出神采遺玄黃三千北十二閑倪眎但覺皮
毛凡飲江曾濡六轡濕致遠又逐雙旌揚收則在垌野
欽定四庫全書

鶴林集
卷二

貢則歸天潢寫圖仍上穆天子跋蹙但笑羣觝羊

擬湖邊採蓮婦

短裙纈渠衣製荷採蓮女兒凭船歌歌酣弭棹解塵韉
微步演迤凌寒波薄言采采湖之汜買鏡無錢賤生理
遙知浪水不可照只仗清流作知己蓀為橈桂為棹脉
脉環湖翠煙草急歸掩闌中夜思欲致美人伊有道

促促詞

促促復促促急柱危絃無好曲樂日常少苦日多男耕

女桑長不足麥方在場綃在軸里正登門田吏趣東隣
女兒當窻看西家阿嬭開道哭閒時輸官猶自可况是
兵符急如火近聞官家勝村路運糧多要人夫去妻貧
猶足備晨炊不願身為泰山婦

獸之窮

獸之窮逼我墻韓盧走兔無窟藏江麋假息尚撲朔穴
鼠無技猶張皇我餌豈不甘我纓豈不長狸步張侯虎
為落豸未及獻弓先亡獸之窮莫抵當澤虞不戒專諸
欽定四庫全書

鶴林集
卷二

忙春蒐猶禁塞榆白秋戰不耐涇水黃昔聞養鷹志在
逐無使飽食棲平岡

梁父吟

梁父吟維山高高維水深白石爛兮飯牛曲滄浪清兮
鼓枻音艾薪豈不賢反被妻子瘖投筆豈不壯交友不
諒心用則宗彞在東序不用土缶埋汾陰梁父吟問梁
父青史功名在何處長須沽酒置高堂莫使青裘委零
露臨風愴恍歌一曲鳳舞鸞翔應蕭玉

漢中行

漢中在昔稱梁州陸腴壤沃人煙稠穡畦連陂翠相屬
花樹遶屋香不收年年二月春風尾戶戶澆花壓顰子
長裾濶袖低蓋頭首飾金翹競奢侈自從鐵騎落武休
勝事掃迹隨江流道傍人荒島滅沒獨有梨花伴寒食
君不見當年叔火然携老扶幼奔南山又不見砌項橋
邊事七八千兵同日死死則義魄猶有歸存則偷生漫
如此三人共一枕燈通夜紡績衣鬚髻八口同半間屋

欽定四庫全書

龍林集
卷二

三

煮糲椎冰常不足家糧一石五券錢一半入口一半官
男擔軍裝出邊去女荷舂鍾填濠還官知民貧當愛惜
兵者衛民貧不恤且如今年春又經征戰苦風塵未動
力已罷殆以饑羊飼豺虎梁山奕奕水湯湯知他見幾
玉節郎昨日漢川過香氣夾道花成行還撾青鼉鼓復
擁白鵲旗帳屏殿後車懸鵷營中聞之暖挾纊盡道節
制吾父師東軍本皆孝順兒好在良收綏收之太清魚
不著太緩琴不理師中有言當自求度外無功更誰喜

秋風浙浙吹芙蓉山童喚我歌漢中中欲歌兮可奈何
為語前途胡秘閣莫使兵貧復如昨

謂安撫兵部秘閣胡公養也

堰上行上周憲

堰上行桃花灼灼春水生水纔一石泥數斗彌漫漉池
浸渠口樹以淇園竹蓄以漢堤石石填竹落知幾丁駕
作青霓千百尺一夫蹇菱前一夫荷揜去旋燒香紙祭
水庸更酌村醪賽田祖鹿頭北海眼西綿洛一帶填於
肥芋麻漚池禾稻長雖有旱暵無凶饑今年狼頭窺井

欽定四庫全書

龍林集
卷二

四

絡羅堰九星幾缺角匪天十風五日雨陸海將貧水維
濁上帝憫下民親遣蒼水使西門驂前白渠後指畫田
塍若鱗次新堰舉舊堰修野媪含笑豁童謳自言春種
皆茁土桔槔長閒卧畦圃明朝百役非所知且樂豐年
踏車舞燕泥新濕花雨斑四牡趣嚮東郊還地平天成
九功叙今秋都築沙堤路

贈星翁郭若水

月臨南斗退之懼宮直南箕蘇子憂片文隻字不經世

赤口白舌空招尤我生之初函二氣地則五行天五緯
羅計二宿括半天太陰一星宅肯位郭生本是郭璞徒
推步太精言轉迂按圖只說萬言錦經野未辨天官書
大遊正照參井鄉蚩尤不歛旗方張瞥將巧厯莫推算
為我占取裁眉太白何時康

遊大玲瓏小玲瓏

小玲瓏大玲瓏平林突起羣玉峰霜劍剪取碧硯硯雷
斧鑿破青嵌崆自有此山生此石鬼削天劍更無迹泗

欽定四庫全書

鶴林集
卷二

五

濱浮出瑞玉磬周廟橫陳古蒼壁蒼官儼冠劔翠官披
琅玕好風吹月來光動九琳軒守庵道人形野倨白領
方袍草為屨頗奇二士入洞來引向高亭最幽處他山
豈無石弄假不似真平泉馬鹿跡何在南墅甲乙名灰
塵說真辨假無時了山童隔竹敲茶臼

洪都病中夢與太白同登峨嵋亭有賦

翠浮天宇兩眉修不著塵寰半點愁錦袍仙人去不返
乘月忽作斯亭遊月懸水底不受捉牛渚磯飄酒星落

氣湧如山白浪掀聲悲動地終風作我思弔古登翠微
點檢舊題無白詩生平白眼睨力士馬肯嫵媚歌峨嵋
楊林渡頭采石口一處風寒幾兵守寄語中流把柁翁
莫使江山落人手

壽范翁

辛夷如雪芳事闌飛絮卷地春風酣連陂和雲割青麥
隔塢趁日綠紅蠶今年夏氣清較早雨後西山翠如掃
女兒負笈男帶鋤誇說皇華使家好使家天上一角麟

欽定四庫全書

鶴林集
卷二

六

手握雨露呵星辰綠林無風草木靜紫塞有備煙塵靖
鹿園鎮日長徙倚心事如平一池水蓀蘭不惜手種植
蕭艾依前力鋤難槐龍影轉花又黃造化乃為諸生忙
春闈灑細靡譁縫選吏親校如秤量老僊自是文盟主
曾抱長蛟著紫露好將鼻祖三昧法直嚮金華講經去
有香不炷梅林香有酒不酌瑤池觴願公歲歲常壽考
騰寄詩筒祝難老

西湖訪梅